

四庫全書

集部

欽定四庫全書

集部

御製詩二集卷四十三

詳校官尚書_臣德保

助教_臣常循覆勘

總校官原任中允_臣王燕緒

校對官學正_臣卜維吉

謄錄監生_臣謝蓮鶚

欽定四庫全書

御製詩二集卷四十三

古今體九十八首

癸酉六

中元夕即景

載月新秋夜漾船
邨如今夜最初圓
碧霄無際雲輕斂
太液有波星倒懸
露掌三危貯天酒
湖心萬朶撒金蓮
無邊風物供吟眺
誰解閒叅法喜筵

望瀛洲亭子

驟雨過河源碧天爽氣來落景照東宇赤城艷崔嵬非
煙亦非雲如樓復如臺虹橋若可躡佳義相追陪亭子
琳池西望瀛名久哉今朝乃領要儼然見蓬萊可望不
可即勞者非仙才

題張宗蒼畫

長松如翠雲飛瀑如白雪箕踞共談元人境兩清絕語
雖不可聞應是還丹訣

待月

七月十九日

過望月應遲臨秋天似洗攬景復乘涼停舟聊徙倚已
欣暝煙蒼猶帶嶺霞紫星辰上下涵燦爛波紋裏東林
忽辨色一縷金絲委絲繩繩而絙眉葉形迤邐吳鉤更
半鏡晶明露全體須臾出樹杪朗照山河綺其他難為
光熠燿何足擬入秋厯厯看三五踰四矣今夕驗片刻
萬狀幻無比待之乃覺遲對之翻憐駛寄言玩愒人害
不視乎此

玉泉山雜詠十六首

玉泉山蓋靈境也雖亭臺點綴時有晦明而山水
吐納嵐靄朝暮與造物相終始故一時之會前後
迥異一步之移方向頓殊吾安能以十六景槩之
即景雜詠復成十六首

清音齋

數竿竹是湘靈瑟一派泉真流水琴淨洗聞塵澄耳觀
不知何處覓清音

華滋館

竹素園中翰墨筵優游良覺沃心田
偶來便爾忘歸去
滿目生機總靜妍

冠峰亭

危亭四柱據層峰
攜得峰雲一袖濃
恰似梵天花雨裏
珠宮每冠玉芙蓉

觀音洞

何處飛來此落伽
默然不更轉三車
設云義諦無餘轉
者箇非忘見轉差

賞遇樓

於此賞心遇每多春風秋月周巖阿十年前題綠壁字
一彈指頃纔幾何

飛雲岷

豐隆技癢不可止形其奇峰色其綺借問長繩繫得無
小試為之旋飛起

試墨泉

行雲流水定何踪試筆欣當五合逢慙愧會稽王內史

至今猶說墨雲濃

分鑑曲

曲徑沿堤兩鑑分
雲容嵐態總堪欣
恰如一月千江印
全體徒勞擬議紛

寫琴廊

曲折迴廊致有情
檻依瀉玉靜中鳴
靈巖若復相衡量
響屨還嫌太艷生

延綠廳

沓嶂威紆列繡屏每當過雨便來青畫家欲擬真粉本
嵐靄何曾有定形

犁雲亭

綠甸高低繪麥禾犁雲鋤雨較如何一年最是關心處
憂為茲多樂亦多

羅漢洞

何年駐錫應真羣坐席霏微花雨芬試問維摩著也未
辨才到此竟難分

如如室

金剛如者都稱六梵帙原來更有三

金剛經四句偈乃鳩摩羅什譯本其

他譯及西竺梵文皆作九如

三亦非多六非欠本無一物箇中函

層明字

絕頂平凌下視雲水村山郭望中分以斯朗照通為政
何慮人情物理紛

迸珠泉

青蒲戟戟石磷磷錯落傾來萬斛珍最是松風蘿月下

夜深彷彿見鮫人

心遠閣

山中樹古不妨蒼
閣裏夏深還覺涼
寥天大野何空濶
襟袖之間意與長

玉泉山西

秋來尚未陟香山
清蹕聊乘一日閒
縱是畫屏常在目
不如佳處自躋攀

玉泉小憩路由西
禾黍一溝秀欲齊
銅雀喧鳴兆已好

教防蹂躪紫駟蹄

早田晚田一律佳曰暘曰雨近真諧半年飽識厪農苦
今日方看略慰懷

午熟欣綠催穀熟蒸為雨亦潤畦疏慰餘翻自生憂惕
時若毋忘待澤初

秋日香山

巖扉林鴟小徘徊幾縷雲間碧宇開清興不期因地迫
好山端合入秋來汲泉磯畔魚知樂試墨松邊鶴喜陪

最愛虛牕延野綠西成近矣望悠哉

靜室

搏壁上層椒心與碧虛廣颯然山風來吹我襟懷與靜
室纔數楹俯臨含萬象敢辭幾務勞偶結煙霞想

碧雲寺

不關禮佛不叅僧為愛秋來嵐翠凝坐我虛軒縱遙目
碧天如洗正空澂

試泉悅性山房

德水堪方性澄淨見本初每來試汲綆便以擬澆書五
字片時就千峰一牖虛松門章奏鮮適可悅幾餘

早桂

山中早桂芳繁繁綴枝黃羞逐繁華艷愛饒清淨香潤
惟承露潔放為趣晨涼

桂花性喜涼遇
熱反開遲也

真是皐塗品人

間得未嘗

遊寶珠香界諸勝即景得二十韻

當秋山色淨趁曉夜涼舒玉魄依河澹金曦出海徐雲

莊發半嶺路邁崎嶇蘿露霏煙細松風韻籟踈寺低
臨法海峰背指蟾蜍蟲響聞荒坂鷄鳴見遠墟據高懸
照普得要觸懷虛歷歷非紆彼縱縱盡起予招提看宛
宛調御坐如如又是經年別真成方外居遵蹊再攀陟
搏壁且趑趑隨步來新會尋思忘舊於琴書原好在軒
榭試憑諸詎慕遠公社誰停元度車梵香空色相真界
靜鐘魚便以傳餐罷因之迴蹕初林颺鳴轡勒澗瀑濺
衣初大野欣多稼西成近可書三時望匪易一意略為

紆景惜粗疎過詩題攬結餘

處暑日二首

秋入已半月暑退逮斯晨午來婪熱劇清暉懸碧旻譬
彼春後寒又如老健人寧復厭煩歎惟益覺逡巡況乃
利田功催熟萬寶均樹杪動微風颯然爽頓新

半夏愁望雨雨足且及時早禾並晚穀高田復下陂均
轉歉為豐非予意所期方當慶逢年吾民庶免饑閨中
報夏旱淮下漲南涯嗟嗟惻惻獨哀何由拯墊危丁寧命

撫恤不待成災題喜近而忽遠淺衷吾不為

詠玉鐲

牙角徒傳古璆琳復見茲虛中離象卦圓外月盈規詎
止佩環用無成弓矢資誰能連命中差不愧瓌奇

張宗蒼松陰水閣圖

身披松下風心印波中月纖塵何處著緣在水精闕

昆明湖上作

朝濟靈黠含輕雨秋光湖上夫幾許恰因幾暇一憑臨

不是金風將玉宇雲容波態連蒼茫冷然衣袂生微涼
蟲聲益壯訴不歇蓮花欲老呈餘芳金官似重惜寥廓
別開颯景為溟漠牙檣錦纜漫迴翔湖上䟽軒興所託
玻瓈窻朗無纖埃宣毫江硯供清陪香界寺山如畫意
我昨適從箇裏來

玼璣

紫玉曰玼碧玉曰璣此玉內碧而外紫故名之曰
玼璣而系以詩

未辨于閨貢居然荆國倫
蘊中碧水澹彰外紫雲斌
一握光騰室三璵采暎旻
不藏我何有永佩此堪珍

鳳凰墩對雨

雨來西山西涼送北牕
北佳矣妙煙容時哉識秋德
珠璣有餘光綺縠無定色
既以利稼穡因之悅遊陟
湖心敞高樓娛睇停半刻

舟過萬壽寺

經筵禮近事還宮雨棹煙
蓬一水通時若邇來消息好

稍酬渴望敢言豐

堤畔精藍古樹稠今朝雨裏慢維舟
溟濛雅似梁谿路畫裏詩中記往遊

露蟲聲裏岸旋移煙意秋聲又一時
門外僧人合掌跪企予臨幸者何為

樂善園六韻

路便一舟通教停憩沼宮新聲聞蟋蟀
秋色在梧桐細雨霏還止衰荷白間紅
憑軒欣颯景開牖受西風鑒古

心常惕忘機境亦融名園纔兩字萬理蘊無窮

重華宮書室疊舊作韻

芸籍依然此緹帷偶來小坐惜流曦知行未逮玉無玷
俯仰幾何鬢有絲兩字聖銘切凜千秋治亂鏡明披
徘徊擬欲賡前詠落筆都成自愧時

松獅

潤穎惺惺雙目深居然底貢致西琛茸毛猛欲降羣獸
鉤爪森還列五鍼鸞鳳騰拏有仙骨狻猊剪拂具禪心

花前不用金繩掣彷彿搏毬戲故林

賦得太液秋風

太液漾華舟金韀爽氣流風來閭闔表景助鳳麟洲穀
影明漪日蘋颺颺度秋蓼花剛爛爛蘆穗早浮浮隔岸
聽銅雀乘波玩玉鷗心緣劬農慰題任觸懷投

秋日瀛臺即景

高秋霽景暢登臨山色湖光効靜深遐想貞觀留治蹟
也教泉石一娛心

金碧樓臺學嶠壺假山松檜綠陰扶涵元殿裏天香放

勝賞明看畫作圖

丙寅秋於此錫讌王公及廷臣賦詩聯句為圖張於壁間

豐澤當春憶演犁黃雲今幸黍禾齊艱辛稼穡三時望
曾未胼胝共兆黎

太液波澄鏡影空蘭舟沿泛韻秋風尋常想像稱佳話
那似當前體認工

瓊島峯巒翠岌峩浮圖尊勝漾明波誰教日下傳春景
可識秋光不讓多

經筵即事

清暉玉宇寬，廣殿集衣冠。要欲分陰惜，寧同舊例看。繹

思還戒頌，切已率知難。兩論雖言概，

每進講經書輒各製論發明之是日

講論語視其所以一章易君子體仁足以長人一句

吾斯意未安

沈周聽蟬圖即用其韻

蛭聲最喜玉琴然，閉戶踈籬月樣圓。歌枕北牕真傲世，

客來何足訝貂蟬。

文徵明秋巖聽瀑圖

晶箔不遮山色螺屏欲逗雲容
葉態將踈還密秋光似澹而濃
高人隔崖小坐伊誰策杖過從
可許平分幽韻青蓮日照鑪峰

釋奠

先師孔子

高居詎恃九重尊
丁祭親承率駿奔
山海從來欽出類
宮牆何有得其門
樂音六奏非鐘鼓
禮器千年復簋罇
經席昨臨今釋奠
躬行未逮敢他論

黑白馬

黑簇烏雲白雪皚
昂藏峙立信龍媒
大宛致貢尋常事
漢武邴稱天馬來

雨

高暴秋陽數日餘
朝來嘉霽又堪書
宜暘已慶兼宜雨
不疾剛欣復不徐
微冷頓教襲襟袖
潤膏端喜利蕎蔬
西成近矣心方慰
遙憶江南更惕予

時屈西成各省多
稱豐稔惟江南高

寶下游水灾特重因亟
命賑卹有年難遽如此

下河歎

下河十歲九被滂今年洪水乃異常五壩平分勢未殺
高堰一綫危騎牆寶應高郵受水地通運一望成汪洋
車邏䟽洩漲莫禦河臣束手無良方秋風西北勢復暴
遂致衝潰田禾傷哀哉吾民罹昏墊麥收何救西成荒
撫臣奏云今歲麥收較穩
故遇災而市糴未涌故云截漕出帑救大吏無遺寧濫
丁寧詳百千無過救十一何如多稼歌豐穰舊聞河徙
奪淮地自茲水患恒南方復古去患言宣易怒焉南望

心徬徨

知時草

西洋有草名僧息底幹譯漢音為知時也其貢使
攜種以至厯夏秋而榮在京西洋諸臣因以進焉
以手撫之則眠踰刻而起花葉皆然其起眠之候
在午前為時五分午後為時十分輒以成詩用脩
羣芳一種

懿此青青草迢遙貢泰西知時自眠起應手作昂低似

菊黃花韡如樓綠葉萋詎惟工揣合殊不解端倪始謂

萋蒲誕今看靈珀齊

內府藏琥珀中有小草莖葉花萼隨冬夏二至以漸榮枯謂之靈珀

遠珍非所寶異卉亦堪題

高克恭青山半晴雨長卷歌

我曾輕舟直剪錢江水因之越山秀色看迤邐會稽茂

林脩竹果無雙懷哉若耶溪畔雲門寺

叶

杜翁青鞵布

襪真清豪史公厯窮五嶽為雄遨要當讀書破萬卷此

風千載之下何寥寥尚書落筆不可當吏隱喜得居錢

塘酒壺詩冊日左右大塊變態呈方方朝雲黯淡入牕
戶暮雨浙灑過河梁雨晴雲散遠山出忽看鴉背翻斜
陽隔岸師法參無盡雲林識語存其詳模糊二米此頗
變亦如富春濃冶畧殊煙雨之瀟湘諸公手眼各出長
前後倡和多佳章江山本是舊遊歷對之頓忘孰幻常
泛月

秋月無不宜最宜中秋月乃多值塞上林隙延蟾窟今
秋御園度時節不可忽生魄光欲流澄池波更活試泛

木蘭舟真在水精闕岸蟲聲正繁盆桂香偏醺廣寒乍
飛來倚吟逸興勃

秋日漪瀾堂

雁塔凌青漢鸞堂枕碧濤色聲歸靜域草木盡仙曹練
影牕前飲虹光堤外韜微風看太液真覺九秋高

聞蘇州得雨誌慰

江浙春收今歲佳米價平為近年少因思無災而截漕
去歲特行法良好繼聞夏杪頗待澤南望心憂怒如擣

優霑晚稻可卜收此音真吉因紆抱下河潰澇災已成
一江之隔何龍昴孰非吾民忍異視所幸救半事易了
飄搖風雨子遺黎安能比戶歌溫飽

偶讀杜甫遊何將軍山林詩因題

從來治道戒恬嬉百爾殊途職各司稚子總能文尚可
將軍不好武非宜

中秋帖子詞六疊舊作原韻

有序

瓊樓玉宇天上良霄碧漢銀蟾人間勝賞頻年塞

上對皓魄於幔城昨歲山莊挹清輝於芝逕月當
中而正滿景隨地以堪吟惟時鳳闕雲開迓蓬萊
之紫氣昆池波灩攬太液之秋風況復彩煥藥珠
奎部之六星並朗香霏金粟繡塋之萬寶同登瞬
息流光少延俄已六載會心佳節可孤負於今宵
詩續四章韻經六疊賡來翰苑不諱水調之歌傳
示藝林欲陋霓裳之曲

宮月虛教六載閒今宵慶賞不宜刪扇鸞依舊開青瑣

輪翫分明上假山

夜夜東瞻壁宿光
瑤階恰好發天香
今年秋榜應多吉
輝映文昌六戴匡

一畝堪稱地水師
影娥那可不賡詩
玉蟾此夜真端正
秋色皇州太液池

何須結綵學高樓
甲乙評量沈宋秋
獨共詞臣作清賞
六番賡唱數從頭

藻鑑堂

碧水周堂中有池廊圍一畝湛華滋來當潭潦欲收際
懸值秋蟾方滿時恰喜開匳光上下每因摘藻興淋漓
虛明萬物歸澄照翰墨香中得靜怡

張宗蒼畫杜甫詩意歌

返照入江翻石壁歸
雲擁樹失山村之句

我曾一舸渡揚子浩浩大江雄莫比誰解源從天上來
但流地中九萬里瞿唐三峽雖未到於杜甫詩今見此
當其中律鬼神驚挾造化奇細摹擬山村忽失樹歸雲
石壁欲翻入霞綺此景有自開闢初拈出方知絕妙理

江邊留滯茆堂貧樂在千秋無悶矣近日宗蒼亦畫史
能得詩意斯人耳雲乎江乎磅礴間今今古今精神裏

水精子

老冰化石為水精向聞未信今分明崑崙鬱夷誰則到
要當凝質資地靈勅使吉林便因致江潭云復多縱橫
土人瓦礫視不寶邙知樸斲為壘竝抱朴語云成百和
紀載失實安足憑

中秋即事

細雨終朝踈或繁晚來開霽碧雲騫王儉真有獨工句
謝客曾無太失言點綴大千增逸趣光明全體露新痕
最憐萬古歌吟夕珍重姮娥此意存

中秋夜再成三首

夕陽開霽疊魚鱗入夜全晴朗一輪自是大千同見此
當前會者越精神

初思謝客言猶善究覺王家義獨寬不信今宵風月下

請君舉首一迴看

反前首
詩意

雕瓜繪餅麗皇京
霽後都欣特地明
來日玉輪從度節
行宮曠望景猶清

秋蒐木蘭啟蹕之作

秋是較蒐天平明
啟翠旂

東朝常奉豫武烈
每繩

先背歛西山霧遙澄
北嶺煙沿途看寶
穡興會益軒然
石槽行宮對月再
疊舊韻

桂輪昨夜十分妍
翼魄偏欣更靜娟
野景恰逢將望夕

是月十七日望

清光肯負廣寒天已看妙髮全收翳欲囑飛娥
永駐圓佳節團圓纔過了地廬料是總遲眠

八月十七日密雲縣行宮再疊前韻

樓雲璧月闌清妍別館皋塗依舊娟照徹大千華藏海
近來尺五塞垣天善推和仲能留節惜景纖阿似閨圓
遮莫金吾行漏下中秋兩度且停眠

即事

曉寒一谷欲添衣午熱行宮羽扇揮近塞暄涼渾不定

與時作止在知幾霜遲頗喜待蕃熟露重兼資沃菜肥
雖是年年秋獮路省農每為駐驂駢

九松山

路轉峯迴巖谷清蒼松無數倚崢嶸恰如千古香山寺
知者誰傳九老名

命策楞劉統勲詳勘下河災卹事據奏較乾隆七
年水災為輕既用稍慰並詩言志

下河聞遜七年災南望中心少慰哉既慰翻因生悵惕

得毋諱飾自茲開

長城草

離離長城草晞露霏秋煙其下咽語蟲雲中奏管絃
埤久圯毀蔓葉相牽連白骨纏荒根舉昔死守邊可知
牢守日應是已失年

雨

秋暖蒸為雨霏空勢渺茫盡湔婪尾熱忽送打頭涼
圃老欣畦潤征夫怨路長人情評度處難得兩全方

四川總督黃廷桂奏蜀省歲豐穀賤因命轉粟二十萬石賑淮揚被水州縣詩以紀之

全蜀欣逢年教開移粟船不因讀漢詔拯溺自應然

水潦

移於江南朕懼其饑寒不活方下巴蜀之粟致之江陵見漢武帝元鼎二年詔

灤陽別墅

澄澈寒潭潦已收又來巖館坐清秋人家煙見翠微裏
天宇晴開碧嶂頭新景萬空明似畫舊題歲月迅如流
也知詩句多何益翰墨因心會輒留

小金山

灤江固覺非揚子試問金山是異同
兩水會歸溟海後根源總在大圓中

雙塔山

雙峯聳翠肖浮圖鹿苑當年了不殊
入影東西照灤水插雲南北擬明湖

駐蹕避暑山莊作

山館延緣駐翠旌每來偏值素秋清
宜人山色看無厭

入畫溪聲聽有情間染丹楓出綠樹全教蛩語代蟬鳴
今年鹿信虞遲却兩日權停便擬行

嘉樹軒

構軒就嘉樹樹已百年餘蔚然軒亦古秀蔭籠庭除既
因悟所託寧云懷厥居牕戶碧紗圓常延月入虛

不二圖

維摩默然處文殊曰善哉是真入不二不語義已諛擬
向默然會捉影徒成乖云何儼作圖聲聞笑哈哈

雨

臨秋清暇好作雨塞山靈著樹湔紅綠霏空幻色形適
當停蹕際便可倚牕聽兩兩沙禽度衝煙落遠汀

聽瀑

瀑聲常認雨雨裏瀑偏奇纔識空摹擬不如真者宜
煙絲及珠點離奇互上下寄語倪黃流此景若為寫

永恬居

山不厭其深屋豈期其華巖居非雕繪疊樹相周遮悅

性適因靜會心奚必遐命筆戒綺言澹泊以為嘉

題澄觀齋

過水尋幽徑依巖構迴齋常教鶴守戶時下鹿書牌翰
墨香為侶琴尊靜者諧澄懷觀道妙益覺此間佳

八月廿三日作

恨以終身誌推遷修復臨有懷

雲日杳無邠歲時深默處山莊寂閒聽簷雨斟重欽瞻
顧命益凜繼繩心

駐蹕

細雨朝仍灑
宣傳清蹕留
亦因戀佳境
何必急鳴騶
卓午旋開霽
乘涼暢盛遊
山靈真解事
著我恣吟秋

尋題

尋題得句旋
移境乘興為
書不擇牋
若問山莊殊
勝處逢源左
右總超然

聽瀑

謂當雨裏無
過矣可識晴
來更怡然
白界翠屏迂
緩畫

律和聲瑟沅湘絃秋心宛在水精域煙色遙開玉塞天
今日始知謫仙句妙因霽後對前川

宿雲簷

寫楹纔見一絲鋪近巖遙巖乍有無五里張公真小矣
千年米老尚存乎衣衫常慮霑霽潤步武偏教繞徑紆
何必虞臣進歌頌山莊攬結作清娛

御製詩二集卷四十三

欽定四庫全書

御製詩二集卷四十四

古今體七十二首

癸酉七

山莊啟蹕之作

較獵乘時正凜秋巖關爽氣拂旂旂晴開塞圉千峰近
雨挽山莊一日留野水拍橋沙漲落晚禾積圃石田收
無遺地力繁生齒為此欣然為此憂

霜

氣寒邊塞外白露早為霜萬里晴連漠十分曉變涼山
田收刈罷節屋堦熏忙物候親經慣關中正不妨

波羅河屯行宮作

一谷輕寒破曉風幾灣流水溯源通已看別館行來近
且喜山田報處豐過雨秋苔依砌綠含霜野菓綴枝紅
底緣到此多吟興筆架三峰正峙東

行宮東三峰矗立
土人名曰筆架山

即事

山村到處慶逢年民事咨諏緩著鞭詰曲籬邊聞犬吠

高低樹裏起炊煙

雲裏高峰雨不知漲添千澗只移時輕煙片刻全開霽
碧宇晶陽幻太奇

千峰紫翠盡屏迎不定尋常陰與晴截水愛看橫蟹斷
隔林時聽圓駝聲

早征

早征早莅止庶事暇有餘蹉跎或晏行奔迫將何如可
通為學方及時戒趑趄所以古之人孜孜惜居諸老大

嗟何及慎哉君子儒

入崖口作

縈紆塞水赴山溪霧斂高峰秋色淒仙境直攀千級磴
雄關誰藉一丸泥嘑榛石鼠如飛擲隱葉山禽不住啼
靈囿天成教習武往來每為駐驄蹄

汲伊邈水烹茶

所遇名泉必試品揚子第一故藉甚廬山瀑簾雖未悉
以此知彼豈虛審玉泉伊邈真巨擘難為伯仲均天稟

標名躋突澤皇都澗瀝利永阜豐廩塞菟此地每經過
可無表德垂終稔是時秋煙正霽川駕鵞翔集魚鮪沲
蘊廬綆汲煮行鐫清賞作歌乃自朕蟹魚懶舉火候常
肘腋慢道風生凜八功德水宛在孟浮玉湧金盡斂社
詎惟摛藻供澆書一時萬幕資烹飪

再疊前韻

伊遜之水第一品其質則輕味甘甚萬古靈脈秘龍沙
造物有待斯言審大禹惡旨戒在酒好茗何妨從性稟

罷園武帳值幾閒聊事松雲烹石廩汲來清冽洵無雙
候中文武須歷稔從獸猶然不廢吟觀魚何用無忘淦
消渴兼因消芥憊泯象乃至泯兆朕舉杯千嶂正臨牕
紫翠絢采秋光凜颯景恍可豁迎眸涼風底慮輕拂衽
自怡悅亦何足云大亨還厯木火飪

題董邦達秋山煙靄小卷

為便行囊作袖珍秋山浮靄霽光新展當氍毹室千峰入
著語難分畫與真

橐駝

種繁鄯善多封牛食少任重其性柔畜中良產內地鮮

謬稱馬狀羊為頭塞程橐載無過此色有蒼白或黃紫

而今市販亦知用鈴聲替戾行連尾圓鳴嗜柳

俗云路駝嗜柳

蒙古嗜酒

不肯前長繩穿鼻騎以牽征囊百務一身具蹄胝

背腫誰則憐驚頸低昂過磧川圖展塞景胡環傳避風

跑泉語乃誕

漢書西域傳謂燉煌往外國流沙千餘里無水有伏流駝遇其處以足跑地掘之常

得水又青海北夏有熱風傷行旅風將至駝先以鼻口匿沙中人見之則以羶擁蔽口面避其患常詢之青海

諸部皆
無其事

少見多怪理實然

即事

崇邱倚杵玉繩低
開錦風前百鳥啼
山體靜存雲幻動
馬頭東向霧迷西
溶溶澹帶晨蟾影
蹢蹢幽尋野鹿蹊
詎為盤遊恣從獸
詰戎深意此中稽

塞花

塞花能耐寒
冒霜越姍姍
丁星帶煙霏
娟媛迎風姣
秀如爭籬菊
芳自勝坂草
饒有鳥獸遊
而無絲管擾
掛瓶

雅相宜拂室亦精好詎知銀燭下珍重發芬蔭

行圍四詠疊去歲韻

撒圍

秋令木蘭獵年來率按行伐齊既以習紀律亦因明據
嶺排羣伍沿蹊致兩旌詎徒恣從獸要寓詰戎情

待圍

中軍例徐進猶在白雲涯選勝居其要乘閒酌所宜層
巒疊嶂際翠栢紫楓時隱若山靈詔依然合有詩

合園

如星之拱所擬月以圓稱嶺碧遙拖柳峰園迥矗僧

柳碧

嶺僧機園皆
園場內地

周遮羣効力馳射各呈能靈園天然闕朝

家奕世仍

罷園

素志常銘內臨歡戒極歡息教歸布帳招底藉皮冠炊
熟地為竈割鮮草作盤披星仍迨曉晏起敢三竿

雨獵

虞人破曉驟前旂圍合秋山雨脚稠成局不教傳罷獵
佳名漫擬魏文侯

千峰頃刻吐雲奇一陣涼絲馬上披頗念征人歎漸石
關中秋麥却宜時

度嶺踰溝萬點繁瀑垂何必藉遙源雨衣不漏知需瓦
謫諫還因憶謹言

時止時霏煙景宜凌風赤羽未嫌遲數番馳射徐收伍
跋涉吾原衆共之

重陽

九日惟今日登高此最高
天空秋益肅峰迥興偏豪
擷秀寒於菊割鮮腴勝糕
景光隨處賞饌咏有仙曹

出哨

納稼都完民氣和
往來廿日覺無何
詎貪朔塞連圍樂
且喜山村高廩多
閑却鷹韝徐駿騎
馱來鹿角簇封駝
帷宮賦就權笈筆

近著後哨鹿賦
因問數日未詠

觸緒依然事一哦

波羅河屯行宮疊舊歲韻

白雲背塞垣紅葉間邨落流來內地民日久成土著何
敢誇奠甌惟是欽調幕連朝閱豐收劭農心為綽別館
景依然靜憩饒清樂

木蘭迴蹕避暑山莊作

木蘭秋獮薄言旋山館重教此憩延菊有黃華幽傍砌
桂餘金粟馥噴筵隔林麋哨聲遲鹿

鹿哨早而麋哨遲
山莊內所有皆麋

木蘭
乃鹿寫棟雲飛影亂煙往返傳留頻屬詠箋揮壁勒自

年年

無幾何時往返周山容紫翠關深秋風吹落葉如聞雨
潦盡寒潭遠見洲點綴閒雲晴晦幻依遲別館性情投
去時忽遽鳴征轡攬結今應數日留

題素尚齋

數間樸屋萬山中鹿豕為遊溪壑叢造物由來敦素尚
書生未足詡家風霽空色朗依峰白雨葉聲繁點砌紅
近歲遙年頻檢校幾番靜悟不同同

觀瀑

虛亭搆沙渚懸流落石激奚啻供耳謀實堪悅目擊
紛濺磯迸斷續盈科滴似張匡廬圖誰面少室壁今朝
大快意覩近勝聽遯

千尺雪歌再疊舊韻

物無妍媸貴已有譬之雞口與牛後趙家寒山雖鼻祖
豈似奔川帶我牖落葉雨如散天花八功德水無更加
澹然淨練掛千尺披圖仿佛荆關家千林一色皆凝素
雪耶聲胡作英護聞觀寂復似無聲妙覺都來歸靜悟

時為渟注時潺湲對我邇年幾往還如斯逝者曾不改
依然沙渚縈雲灣枕流靜室瀟而灑影漾蜃牕光上下
清機颯景湊秋深興來恰當吟篇把宗蒼吳人還寫吳
盤山吾亦規摹夫春卿點筆繪西苑學士實則圖斯區
去年遊盤山自為千尺雪圖而以寒山屬宗蒼西苑屬
董印迤熱河則命錢維城各為一圖四卷合裝分貯之
四卷匣度伴竹爐一覽備悉事創吾風在林端月在湖
取之無盡何同殊

桂

今年秋信長九月桂花黃砌下芳融日塞中寒傲霜小
山重詠句圓魄早虧匡擬付含毫者還稱天外香

清舒山館

山館悠然清且舒每來偏覺適幾餘雲開遠岫蒼盈牖
風過疎林紅點除

雁背霜空秋意深晴和聊復一登臨沆寥邱壑無宗賞
淡泊生涯靜者心

暎日芳菲九月菊過雲錦繡一房山縹緗隨意堪抽繹

趣此秋齋片晌閒

河徙

河徙古縱有今番實罕遇白露秋汎過洪波反盛怒隄潰致改常尋思豈無故帑項雖屢支撻莢匪素具以此竊饋聞按核弊盡露欲蓋乃彌彰坐聽波臣付小人為已切遑為斯民慮其心不可問歐刀詎能怨哀哉下河民淮漲災已遽何堪河奪淮徐邳復沮洳寢食為弗寧戚戚增憂懼

今年七月淮水盛漲洩洪澤湖五壩泛車邇潰二閘下河高寶興胥受其患黃河復

於九月初決銅山隄南注靈虹諸
邑歸洪澤湖奪淮而下為災益甚
賑恤令盡力障築方

歌瓠初謂老成人羣稱曉河務

謂高斌
張師載

受欺乃欺予龜

玉毀於櫝

叶

偵轅一至茲知人難被悞忸怩深自咎遑

宵諉天數

漫題菊

鞠有黃華載禮經何來紅紫幻多形
葺儒充隱紛無數
人有如斯物可聽

寫心精舍作

鼓越建蕭寺

甫田鼓越三十六景之一地既平敞爰建精藍名曰永佑以誌皇祖之恩於無

窮

精舍構其側名寺曰永佑寫心舍之額一時此徘徊

千秋誌

恩澤流水與行雲夫何有無迹

卷畫牕

下臨無地一牕虛帶水屏山攬結餘最愛錘峰剛對座
義皇前物起吟予

迴蹕灤陽別墅作

山木有苑枯空雲有去來日日行邁客豈能無往迴苑
枯木不知去來雲不期云胡往迴間厯厯今昔時問昔
曾安在問今復如何秋深峰罨畫風度江生波閒館之
相遭於斯會意多

即事

塞宇雲生欲變寒征裘逐日換歸鞍築場納稼逢迎好
農務民艱取次看過嶺東西兩流水暎溪上下一停巖
山田頗有豐年慶祇恐茅檐尚怨歎

題張宗蒼小景

一朶芙蓉似假山飛流隱隱落其間都將千里收盈尺
出以神奇運以閒

雨

行程指兩月為日亦不少長此竟無雨麥收安期飽或
夜雨朝晴否則駐蹕好人有不能從何況於天道知然
胡戚戚慮衆行泥潦習勞率藉茲自解聊紓抱紓抱焉
能紓遙遙憶淮徐秋霖實異常河徙奪洪湖嗟嗟昏墊

民漂搖淒沮如所希霖滂減或可事歌瓠此憂無解方
南望以齋吁

題了髻山碧霞觀

四面山圍畫屏障中天路豁界玻璃靈峰光幻同金馬
神澤依稀擬玉雞夢雨初晴嵐翠濕小春猶煖櫛銀低
平生懶問長生術羽客休誇躡景梯

初自田盤西谷取道達靜寄山莊

塞菟餘興託巖棲捷徑聊從西谷西怪石吹風驚欲墜

精藍寫霧忽如迷施檀空切居僧望

路過雙峰法藏諸寺率頽廢山僧頗

望昂新云

列嶂新迎駐馬題疑是山靈酬始遇千峰晴晦幻

高低

登雲罩定光塔

鳴鞭西谷入雲裏行行雲盡居足底窳堵猶在最高峯
進步竿頭應似此我來每度必親登拾級不知勞屐履
春山澹冶秋山蒼所逢今日多過彼滃鬱霽霽復淒淒
蒼蔚氤氲更縈纒隱現樹色錯翠丹變幻巒形紛岌嵒

世界真似乾闥城雲海黃山兒戲爾我聞佛說如是法
譬之乃如大雲起孰獅吼孰野干鳴調御默然天龍喜

駐蹕靜寄山莊

羣峰疊背玉嵯峩閱歲巖扉偶一過明月清風無盡藏
奇松詭石此間多村旁廩積覘農慶幾暇遊觀樂物和
扈蹕詞臣漫呈頌矢音惟覺愧卷阿

對瀑

山璫亂泉多引之即成瀑愛此雲間聲築成石裏屋勾

渚近牕牖形容小珠玉濺冬豈知凝網月那可掬消此
片時閒孰不云清福

池上居

砌石為池上構居一泓襟袖攬如如石湍響答松湍靜
水鏡澄含月鏡虛舒卷天真任嵐靄飛沉自得樂禽魚
絲竿煙舫都無藉耐可空明意泛諸

晴

雲脚亂絲霏風吹散若飛千山開畫障一谷暖陽暉黛

色濃松磴泉聲壯石磯憑牕別生慰被隴麥滋肥

雲林石室

搏壁出蠶叢林齋有路通石當人面翠楓落樹頭紅惟
介方宜靜因虛益不窮昨朝凝望處原在白雲中

千尺雪

飛泉落萬山巨石當其根滙池可半畝風過生漣淪白
屋架池上視聽皆絕塵名之千尺雪遐心企隱人分卷

復合藏在一三來賓

寒山田盤熱河西苑皆有千尺雪
各繪為四卷合藏而分貯其所每

坐一處則三景
皆在目中也在境佳泉必佳竹鑪亦可陳俯清酌甘冽

忘味乃昇神披圖謂彼三天一何踈親

得槩軒

因迥為精舍賅奇入曠觀真花整風落畫樹久霜丹勝
槩信稱得環山故曰盤一牕明日嫩靜坐不知寒

即事

石罅流泉潺且緩偶然障亦可行山黃流自古稱雄浪
堵築遙思甚矣艱

半天樓

崇椒延閣迥步步上丹梯月牖千竒入霞標萬象低吸
噓接顥氣視聽合天倪隱隱聞笙鶴常來此處棲

對月

盤中曾對月冬月今對初小春了不寒朗暎襟懷虛山
木盡桂枝輪囷復扶踈潏潏石泉光魄影上下俱右丞
之所會昔見招裴書俯臨大野寬萬帳燈竿殊清光不
孤人爝火何為乎

天成寺

盤澗千迴嵐翠重到來古剎據芙蓉江山一覽仍憑閣
風日初晴正柏冬泉似袪塵常掛箔松如聽法擬降龍
小俄延復催歸轡清戀惟留雲外鐘

西甘澗

峰迴路轉澗泉潺山寺蕭條只數間隨分枕甘還漱介
便宜白足是高閑

東甘澗

一谷小春暖循西便至東野廬不成寺變相示真空登
閣聊乘興開牕不礙風誰家生色畫松翠復楓紅

古中盤

石磊千仞岡林踈一綫天是中有佳處單騎相沿緣既
窮外狹得中宏紅牆纔見羅花宮初地未許容易到尚
步丹梯百十重調御對我無一語拈花似示真宗所旁
有精舍可周旋憑牕萬象紛來侶海氣翦匿襟袖間因
之飛興蓬萊山安期羨門至今在未改鶴髮青童顏劉

郎脫屣真癡情後來仙者何無名點筆欲辨滄桑事田
盤先生笑失聲

題唐寅蟹眼松風圖即用自題原韻

就水惟應事品茶攜來恰有雨前茅解元想像如相謂
石瀨松濤此處嘉

盤山迴蹕之作

五日少延留言旋啓蹕駟柏冬廬省歲忘返戒從流背
指雲峰寺遙循霜路郵前旬甘雨足麥隴綠針抽

偶作三友圖因題以句

伯夷聖之清
瀟灑侯似彼
伊尹聖之任
後凋貞可比
柳下聖之和
報春屬冰蕊
堪為忘年交
要之皆君子
孟氏既前呼
蘇家後唱是
允稱益者友
不出尼山旨
命筆寫其真
在彼不在此

恭依

皇祖溫泉行元韻

小春風日溫而清
離宮駐蹕逸趣生
沙汀石瀨率舍凍

暄波漱響偏琤琤
嵩山仙池杳莫辨
建武別館徒相爭
當年卷阿可仰躅
至今

聖藻星雲明方沼
玃玉左復右
靈脉噴珠澄且泓
曲溝引導達戶戶
中各向暖
當南榮
細流龍首初滴注
有如瑞露浮金莖
渌然忽放屋池滿
氤氲澹蕩難為名
濟涼酌暖擬紫府
蒸霞吐霧疑赤城
水仙騎鯉在白壁
呼之舉手欣相迎
鱣疴益壽有奇助
何必縹緲求壺瀛
承歡家法同孝養
神仙此耳無多情
繹思

來歌續元韻幸當海宇方承平耽逸忘武夙所戒塞山
回望雲中橫留連勝處亦曷可明當啓蹕旋皇京新豐
繡嶺是炯鑒毋容易視溫泉行

初冬御園即事

塞猶依然往返為明牕惟覺白駒馳山高水落無多子
菊瘦松堅又一時覓句寒郊雖自得翻書溫室雅相宜
災民澤國常厪念慙愧何方救墊危

御門日作

敬怠審所勝吉吝從其類臨軒勅庶幾勤政思明義

離宮

視事之所皆以勤政名殿乃我朝家法也

憂心憶河淮集思籌救濟不無補

偏方難言永逸計道謀鮮潰成自用或債事用中乃在

吾艱哉執兩智

石景山初禮

惠濟祠

崇祠依石堰像設謁金堂雲壁瞻初度曦輪屈小陽河

防慎有自

永定河自此地始有脩汎以上乃萬山來流無事隄防也

神佑賴無疆疏鑿非經禹惟厯永定方

初至戒臺六韻

名剎近千載渡河斯偶尋自來幽勝地蚤結憩遊心吉

馬遵山棧

御馬名
相吉驄

寒禽亂柏林兩峯豁開戶一水宛垂

襟我足憂勤畏佛無來去今便教促歸蹕餘興寄高岑

冬日還宮之作

不省方臨輯狩巡和鑾朝入鳳城闥蚤牕日朗蘭噴霧
雞樹風輕玉謁春室處縱安清切禁棚棲邴忘怨咨民

何時底績宣房奏南望遥遥繫念頻

鼎新

南郊告成正值長至大祀九奏歲韶七言紀什

敬舉冬官事告全

精禋恰值子初旋虹光丕煥三千丈

天宇維新四百年匏爵漾漾升湛露貌鑪馥馥引非煙

律元應候韶成九

景福希邀奕葉綿

臘月二日雪

甘雪剛逢臘農祥早先

去聲

春散為花是喜積作玉餘津

展帖香生古烹茶句得新更希盈尺紀近遠布膏均

今秋洪湖水漲漫決高郵二閘而黃河復決銅山

南徙淮徐揚胥被水灾特命大臣往來董率堵

築今均以臘月十二日合龍同日奏到河流順

軌積水漸消東作可期詩以志慶

淮決維揚河又侵茭捷堵築救胥沉兩堤齊報一時合

一日懸紆兩處心
襄事臣工力真殫錫嘉

天佑惠誠深春畊明歲纔堪課
敢即云愉倍惕欽

除夕

綺宴開崇殿
曦輪隱掖垣
四時相嬗代
一氣貫貞元
靜驗循環理
寧煩頌祝言
餞詩成例事
百首豈辭繁

御製詩二集卷四十四